

دائرة مخصوصه

در سعادتده باب عالی جو ارنده

محل اداره :

مرآت القبر

اخطار :

مسلكمزه موافق آثار جديده مع المنو به قبول او انور

درج ابدیهین آثار اعاده او انور

دیر، فلسفه، علوم، حقوق، ادبیات و سیاسیات و بالخاصه کرم سیاسی و کرم اجتماعی و مدنی احوال و مشی و اسلامیه و در بحث ایمر و هفته ده بر نشر انور.

آبونه بدلی

سنه لکی التي آیلنی

ممالک عثمانیه ایچون	۸۰	۴۰	غروش
روسیه	»	۶۰	روبله
سائر ممالک اجنبیه	»	۱۷	فرانق

صاحب و مؤسسلری :

ابوالعلا زین العابدین - ح . اشرف ادیب

تاریخ تأسیسی

۱۰ تموز ۳۲۴

در سعادتده نسخه سی ۵۰ پاره در

قیرله دن مقوا بورو ایله کوندریلیرسه سنوی

۲۰ غروش فضله آلنیر

عدد : ۹۲

۱ جاذی الاخر ۳۲۸ پنجشنبه ۲۷ مایس ۳۲۶

در دنجی جلد

استانبول میانه :

یالوه تنزهی

برقاج هفته دن بری استانبولک هر گوشه سنی دبدبه لی ، طنطنه لی اعلانلر دولدرمشدی : تنزهه کیدیگز ، برهان ترقی منفعتنه یالوهیه سیاحت ایدیه جک ، شویله اوله جق بویله اوله جق ...

مساعی روز مره ایله یورولان ، بیتاب قالان دماغلر مزی هم برپارچه دیکندیرمک ، همده اوراده کی کویلی قارداشلر مزک احوالی حقنده یقیندن برآز تدقیقاتده بولنق اوزره برقاج ارقداش بوتنزهه اشتراکه قرار وبردک . جمه کونی صباحی یشیل یاراقلر ، قیرمزلی بیاضلی یاراقلرله دونامش واپور ساعت ایکیده کوپردن حرکت ایتدی ؛ حیدرپاشا ، قاضی کوی ، آطه لره اوغرایه رق قادین ، ارکک برچوق ارباب تنزهی آلدقن صوکرایوله دوزلدی .

واپورک برنجی موقعی قادینلر تخصیص اولمشیدی . پولیس لر ، ژاندارملر نظارت ایدیور ، هرکس کندینه ، جنسینه مخصوص وقار و جدیتی محافظه ایدرکی کورونیوردی .

اوج ساعت صوکرایالویه مواصلا اولوندی ، قارشو حیلر آرمسده یاریم بابوچلی ، بوسکولسز فسلی چوچقلر ، دوکوک صاحلی ، یرتیق انتاریلی قیزجغزلرک صفوت و معصومیتلری احوال روحیه نفوذ ایچون مهم بررزمین تدقیق تشکیل ایدیوردی . هرکس نواله سنی نقل دردیه اوغراشیرکن عبدالرشید افندی ، او هر صنف خلق ایله کو وشه بیلن وهرکسه کندی سودیره ذات محترم بوچوچقلرله مشغول اولیور ، اونلرک هر برینی آیری آیری اوقشایوردی . هپ برلکده حکومت قوناغنه مواصلا اولوندی . متنزهیندن بر ذات طرفدن زمینه مناسب برنطق ایراد ایدیلدی ، حریتک ، اخوتک ، مساواتک یاشاماسی ایچون اوزون اوزون دعالر ایدلدکن صوکرایا عبدالرشید افندی سوزه باشلادی . ملتک چالیشمق لزومندن ، چفتجیلرک ، اغالرک وظیفه لرندن ، مکتبلردن ، قوه بحریده دن بحث ایتدی . اذالر فوق العاده محظوظ اوله رق حییتلری غلیانه کلدی ؛ دونما ایچون ، اتحاد و ترقی دلائله تأسیس اولنق اوزره بولنان مکتب ابتدائی ایچون اعانه لر ویرلدی ، صمیم قلبدن (پادشاهم چوق یشا) دعالری تکرار اولندی .

برقاج دقیقه استراحتی متعاقب یالوه نک مسیره سی اولان (چفتلک) ه طوغریویوله روان اولدق . بیکی متجاوز برقافله . فقط اویله برقافله که ارباب دقت ایچون بیوک عبرتلر ، بیوک درسلی محتوی .. شوراده یوکسک یاقه لی ، ایپک بویون باغلی ، دار و اتولی پانطولونی ، ظریف اسقارینلی برشهری ؛ یاننده قوجه قوشاقلی ، عباپو طورلی . قوجه پاپوشلی ، یاخود چارقلی برکویلی .. بوراده البسه سی منتظم ، فسی قالبی شهرری برمکتب چوجنی ؛ یاننده بز شالوارلی ، اصلاً قالب یوزی کورمه مش مدور فسلی ، تاقونیه لی کویلی برمکتب یاوروسی .. اوده ایپک چارشافلی ، التون ایکنه لی ، شفاف پچه لی برقادین ، ادیرسکلرینه قدر چیللاق قوللری

اوزرینه دوکولمش دانتلارینی تموج ایتدیرییور ، بیلککرینه قدرالدیونلی ، متعدد الماس یوزوکلرله تزین ایدلمش الارندن بری ظریف التون زنجیرلی بر چانطه ، یاخود ایپکلی صاجاقلی برشمسیه یی صاللا یور ، دیکری ده هم فستانک یرده سوروکلرین قسمی توزدن چاموردن محافظه ، همده بنکلی ایپک چورابلریله سیوری اوچلی بیاض ، یاخود ماوی ایسقارینلرینی کوسترمک خدمتی کورییور ؛ متعدد التون ایکنه لرله باشک توالی تأمین ایدیه رک خارجه قالدینی کوروله نه مش (!) اولان زلفلرینک ، بیوک الماس کوبه لی قولاقلری آلتدن ، تدریجاً قباران سینه سینه طوغریو ، قادیناغنه مخصوص براعتنا ایله بر برینه تقریب ایدیلن ایکی قسمی برمثلت تشکیل ایده جک قدر کشاد ایدلدکن صوکرایا التون ایکنه ایله ایلشیدیریش ، روزکارا و جالرینی دوندردکجه هم انتاریسنت فانطازیه لری ، هم التون ساعت قوردونی کوزوکه مک (!) ایچون ایله قاووشدیرییور ، کوچ حال ایله چکه سینه قدر یتشن پچه سی کردنده کی سیاه ، یاخود ماوی قوردالایی ، کوکسندنه کی الماسی اورتمه مکدن صدیقیلرکی کورون آطه لی ، یاخود قاضی کویلی ویا استانبوللی برقادین ؛ اونک یاننده قالین یوک چورابلی ، سختیان پاپوشلی ، کنیش جبه لره بکزرطوقومه فراجلی ، اندامی بللیسز برکویلی قادین ، انجق کوزلرینی خارجه براقان بیاض باشماغی التندن اوکنده کی اوشهری مسلمان قادینه نظرلرینی دیکمش ، یاغنی یوله کی طاش . چاریمقدن قورومیه یی اونوتمش ، اره صره سندلر ... برطرفدن موزیقه ، دیکر طرفدن خواننده لر ، سازنده لر ... آرد صره درت طرفی آجیق اوستی اورتولو برکوی فایطونی ، ایچنده کی مشتریسی ، مثلاً اصلاً وقار عسکری ایله متناسب اولمایان آرقه اوستی یاتمش آیاقلرینی قیورمش قرق یاشلرنده برضابطی هرکسدن دها اول محل مقصوده یتشدیرمک ایچون دانغیر دونغور سوروکلر یور ، اوتهدن براتوموبیل ایکی فرنیکی قاپلیجه لر دن اوچوره رق اسکله یه کتورییور .. صاغده دکز قیدسندنه مانده لر یاتمش ، هم چینه نیر ، هم بویبانه چی مسافرلره ، بیوک کوزلرینی براوقدر دها آجش یان یان باقیور .. صولده صباحدن بری انجق اوج دیزی باطلیجانی چاپالایان چفتچی ، یاخود باغچوان النک ترلرینی سیلیور ، « بونلرکیم عجباً ؛ نیچون بورایه کلشیر ، ینه کوش (کشف) می وار یوقسه » دیه دوشنیور . اوده تارلاده چالیشان قوجه شالوارلی ، ماوی باش اورتولی قیزانلر یول باشنه قوشنیور .. کیمبسی « نصل بیانی آدم بوکوییلر ؟ » دییور ، کیمبسی « فرنکستاندن می کلدی بومسافرلر ؟ » دیه حالا تردددن قورتوله مییور .. بربرندن متحاشی ، یکدیگرینه کلیاً بیکانه اولان بوایکی صنف خلق ، - شهرلی ، کویلی - یاریم ساعت ظرفنده مجتمعاً (چفتلک) ه واصل اولدی .

چفتلک دیدکلری محل آغاجلک ، چنلک بریر . بز نطقلرله قونفرانس لرله براز کچیکمشدک ، ارباب کیف بزدن اول یتشمش ، حصیرلرینی سرمش ، ترابه زلری قورمش ، مزه لری حاضرلامشدی . بزده شویله کنار برطرفه چکلدک . تنزه اداره سی واپوردن چقنجه وظیفه سی تمش کی نه اوطوره جق بریر تدارکنی دوشونمش ، نه ده

بیه جکی ایچه جکی ... طاووق کومس لرندن چیقاریلان حصیرلرده اوطورمقدن ایسه چنلرده، قوملرده اوطورمنی ترجیح ایدنلر اولدی. هر نه ایسه بونک اهمیت یوق.

خواننده لر طرفندن شوخ بر فصل ایله مجلس کشاد ایدیلدی. سوکرا موزیقه باشلادی. بعض اصحاب تنزه اوزاقلره کیتمش، طبیعتی سیر ایله وقت کچیریور، اکثر ارباب کیفده موسیقی نك بایلیتیچی نغمه لری آرمسندده قدح لری طولدوروب بوشالتمقه اتمام ذوق وصفاییدیوردی. قادین، ارکک هپسی قاریشیق. کویلیلر اوچر بشر دولاشیور، ارباب کیف یانه کلدجه یوزلری اکشیرهک بربريله برشیلر قونوشیورلر.

چوق دقت ایتدم، عجبا کویایلرله شهرایلر یکدیگریله اختلاط ایده جکدر، یکدیگری نك احوالی صوره جقدر، قول قوله بروطن اولادی، بر دین قارداشی کی کزه جکدرمی؟.. فقط نه دیرسکدر، بیچاره کویایلره، رشید افندی دن باشقه، حاللری صومق شویله دورسون، برسلام بیله ویرن اولمادی. استانبول دن کیدن مکتب چوجق لری اوراده کندی لری استقباله چیقان بوسکولسز فسلی، یامالی شالوارلی، ناقونیه لی قارداشلریله برابر کزوب اویناملری لازم ایکن ایکی سنی بر آرده کورمک نصیب اولمادی. بونلر موزیقه ایله برابر نغمه ساز اولیورلر، اوتوکیلر چکک، قورقاق نظرلره بونلره باقی-ورلر. قادینلر چالینک اطرافده کومه کومه. بعضی سنی زوجاری. یاخود قارداشلری یاننده، بعضی سر آزاده. بودالا دیه آدمدن صایدیغمز او آغالر رشیدی کوریور، هپ بو حاللره دقت ایدیوردی. ایکی، اوچ اختیارجه کویلی کزیورلردی، یانلری نه یاقلاشدم.

— سلام عایکم، بابالر ... دیدم.

— علیکم سلام، اولاد ...

دیه کال بشاشته مقابله ایلدیلر. بواسلام تحیه سی کندی لری نك ممنون ایتدی. اولا اکینلر نصل اولدیغنی صورددم. بیوک برتوکل وقناعت اسلامیه ایله نك کوزل اولدیغنی جوانی ویردیلر. بوکامقابل اوچی بردن:

— اولاد، شو کزیددن نه خبردار، عجبا نصل اوله جق بوایش؟... دیه صوردیلر.

— بابالر. دیدم، هیچ مراق ایتمه یکنر، کرید اللهک لطف و کرمله دائما بزمدر، هپمز اوله جکنر، الا کریدی ویرمیه جکنر..

بونک اوزرینه بر آرمسلی اولدیلر. سوکرا ایکنجی سؤاللری شو اولدی:

— اولاد، شو آناوودلق ایشی ده ایتدی می؟..

— بتدی بابا بتدی، دیدم. کرک ایچمزدده، کرک خارجدده دشمنلرمز وار، مسلمان قارداشلرک بربريله ایی کچنمه سنی چکه مزلر، آرالری نه نفاق صوقغه چالیشیلر، فقط الله اونلره فرصت ویرمز. مسلمانلر دائما قارداشدر، بوکون آرالرنده بویله برشی اولسه ده ینه یارین قول قوله جهادک، حربک اوک صافنده بولنورلر...

اغالرک کوکلی آچیلدی. آرتق دوست اولدق. ذاتا مسلمانلر آراسنده تأسیس مناسبات ایچون برسلام کافی در. اوبره زانته لر، اوتقدیم مراسملری هپ بزه فرنکلرک یادکاری در. بونک اوزرینه بری صوردی:

— اولاد، بوکلنلر کیملردر؟

— کیم اوله جق، سزک مسلمان قارداشلر کز.

— نصل قارداش یا بونلر؟ بزم یا تنزه صوقولمقدن قاجیورلر. بز اونلره قونوشمق ایچون، استانبولده نه وار نه یوق خبر آلمق ایچون ایشمزی براقدق، بورایه قدر کلدک. اونلرایسه راقی قدح لرندن باشی قالدیردقلری یوق. نصل مسلمان بونلر؟..

— بابالر، ایچمزدده سائر دیندن آدملرده وار. احتمال که راقی ایچنلر اونلردر...

— اولاد، استانبولده کی قادینلر هپ بویله می کینیلر، هپ بویله آچیق صاجیق می کزدرلر؟..

— هیچ هپسی بویله اولورمی؟ باقسه کز آ بورایه کلنلر آراسنده بیله نه قدر کوزل کوزل اورتونملری؛ کنساره چکیلوب ارککلره قاریشمایانلری وار. استانبولده ده چوغی بویله در.

— اولاد، بوموزیقه جیلر عسکر دگلی یا؟

— طبیعی عسکر، البسه لری کورمیورمیسکدر؟

— بوراقی ایچنلری بونلری طومش؟

— هیچ اویله شی اولورمی؟

— نه نیچون بونلر چالار، اونلر ایچر؟

— بابالر، اوبر یا کلاشلق اولمش، بوسیاحتی، ترتیب ایدنلر (تنزه اداره سی) موزیقه جیلرک باشلری نه دیمشلر که «برهان ترقی مکتبی منفعتنه برتنزه، برکزیاتی، براکلنتی یابه جغز، مکتب چوجق لری کیده جک، اونلرک ولیلری ده بولنه جق، چوجق لحریت هوالرینی دیکلسون. ایی برشی اولسون...». اونلرد، پکی دیمشلر. طبیعی بونی اونلرک باشلری خبر آله جق. بردها ایستدکلری زمان تحقیق ایده جک، اوکا کوره راقی ایچنلر اولورسه اذن ویرمیه جک. هیچ دولت عسکرینی سر خوشلرک کیفی ایچون بسلرمی؟... هیچ مراق ایتمه یکنر. بردها بویله شی اولماز..

— اولاد، قارشوده کنسارده اوطوران اق صقاللی خوجه دمین نه کوزل شیلر سویلدی. زاپونلری مسلمان یاپان خوجه بومی در؟

— اوت بودر، بونک آدینه عبدالرشید افندی دیرلر. بو. مسلمانلری چوق سور. کورمدیکز می هرهانکیکنزه راست کلدیسه سلام ویردی، کیفکزی، حالکزی صوردی.

— استانبولده بویله خوجه لر چوق وارمی؟

— بش اون سنه سوکرا چوق اوله جق انشاء الله.

بونک اوزرینه آغالر فرخلندی. آیریلدق. رشید افندی نك چایی ده دمنلشمیدی. قنوشدقلرمزی صوردی، سویلدم. براز کچدی. برضابط کلدی:

— غیاباً مقتون فضیلت و عرفانکز بر قاره ، مشتاق ملاقات بر ضابط ...

دیه سلام و یردرک عبدالرشید افندینک الی اویدی . قونفرانسارینی کمال دقتله صراط مستقیمده تعقیب ایتدیکنی سویلیدی . بونک اوزرینه شرق احوالنه دائر اوزون بر مصاحبه جریان ایتدی .

او قدر حیتلی ، او قدر دیندار بر ضابط که رشید افندی حیران اولدی : — یا هویدی ، بو عثمانلی ضابطلری هپ بویله ایسه بودولتک وبتون دنیاده کی مسلمانلرک استقبالی پک پارلاق در ان شاء الله .

ضابط : — صراط مستقیمده کی (مطبوعاً تمز و عالم اسلام) مقاله سندن حالا بر نتیجه چیقمیدی . غزته لر عالم اسلام ایچون برستون آچمقدن حالا چکیک طور یورلر ... دیدی .

جواب و یردرک : — غزته اداره خانلرنده شتون اسلام ایله اوغراشه بیلکه چک محررلر آذرده اونک ایچون ...

ملت مسئله سی موضوع بحث اولدی . ضابطلر آراسنده هر که وقره مرسل کبی یرلی معمولاتندن البسه یاپدیرمق خصوصنده کی قراری ، عهد و میثاق رشید افندی ایشیدنجه پک محظوظ اولدی . رشید افندی میدانی اغیاردن خالی بولدی ، دول مستودعه نک وسائر اوروپا دولترلرینک عالم اسلامه دائر پوائیقلری حقنده چوشدی .

ایران علمای کرامندن شیخ اسد الله افندی ده کنیدیسه جانلی مثاللر بولق صورتیه یاردم ایتدی . بو جای ذوق و صفا هر زمانکی دردلری یکیدن تازملدی . متأثر ، متأسف ساعت اونی بولدی .

فطوغرافلر چیقاریله جق اولدی . تنزه اداره سنک هیچ برشیئی بر انتظام دائره سنده یامامق خصوصنده کی عزمنه قارشلی ایشه قاریشمغه لزوم کورونه رک کویلی مکتب چوجقلرینک خاطرنده بر ایز بر افاق ایچون برهان ترقی شاگردانی ایله برلکده رسملرینک آلمسی موافق اوله جفی سویلندی ، تصویب اولوندی . کویلی چوجقلری او مینی مینی معصوملری بر بر طویلادق . بعضاری قورقیور ، بعضارینه شویله دور دینجه اوتیه دونیور . خوجهلری ده اورته سنه قوندی . فطوغراف آلان ذات « چوجقلرم بورایه باقکز ، شورادن شیمدی بر قوش چیقعه جق » دیه یاوروجقلری باقدیردی . قوش اوچورولدی . اراتق وقتده کلیوردی . هر کس عودته باشلامشدی . انشای عودتده زراعتیه دائر قونوشولدی . ضابط ارقداشمزک بو بایده اختصاصی وار ایش . بو کوزل ، بو منبت طوپراقلرده باطیجان اکوبده باتانس اکمدکارندن شکایت ایتدی . قائممقام بکک بوکا دلالت ایتسی لازم کلدیکنی سویلیدی . صوکر اوتده بریده طویلانمش صولرک بر ایکی قنال حفری ایله قورودلمسی ممکن ایکن اهمیت و یرینه مسنه مسلمانلرک عطاالتدن ، اوپوشقلاندن باشقه بر معنی و یرمدیکندن بحث ایتدی .

اسکله یه مواصلت اولونجه مینی مینی یاوروجقلرینه هیچ لاقیردی . سویله میهرکینه اختلاطدن چکیک طورهرق اللرنده بایراقلر اولدینی حالده مسافرلری تشییع ایچون صره لملشله . یینه اونلر کبی صاف

یورکلی خوجهلری ، درد معیشتله بونی بوکوک بر بیچاره باشلرنده طور یور . چوجقلره ذهنلرنده ایز براقه بیلکه چک بر قاق سوز سویلدکن صوکر خوجهلری ایله وداع ایدیدی . واپور حرکت ایتدکن صوکره ریختم اوزرنده آلالی پنبه لی البسه لره بورونمش او مینی مینی لر اللرنده کی قرمزلی بیاضلی بایراقلری صالایه صالایه نظرندن نهان اولونجه یه قدر بزی تشییع ایتدیلر .

شمعی بتون او کونه عائد خاطر اتم اوچوجقلرده تجمع ایدیور . بن اونلری هیچ بر زمان او نوده میه جقم کبی کلیور . شمعی اونلری دوشنیورم ، اونلره بر ابربتون ناطولی کویلرینک مکتب چوجقلرینی دوشنیورم ، قلم تأثرلرده مستغرق . بومینی میقلری تنویر ایده چک ابتدائی مکتبلر مسئله سی خصوصنده ارباب حیت و همتک نظر دقتلرینی بو وسیله ایله ده جلب ایدرم . ای شهرلرده اولادلرینی ناز و نعم ایچنده بیوتن حیتلی بابالر ، او کویلرده کی بیچاره یاورولری ده اونو تمایکز ، اونلر ایچون ده بر چاره ، بر تدبیر دوشونکز . حکومت بودجه سی داخلنده چالیشدیغندن امینم . فقط هر شیئی حکومتیه بر اقایلم . بز خصوصی تشبثلره او وطن یاورولرینک استقبالی دوشونه لم . کویلرده ابتدائی مکتبلر تأسیسی ایچون تدبیرلر ملاحظه ایدلم . هر کس بو بایده صرف ذهن اینسون . ان شاء الله برشی اولور .

بن بو چوجقلرک اطوار معصومانه سیله ، باکده مظلومانه سیله [چونکه بونلر بیوکلرک ظلمتی چکیورلر ، اونلر عاجزدر ، اونلری تنویر ایده چک ، دوشونه چک بابالری در ، بتون ملت در . مادام که بونلری دوشونمیورلر ، بونلره ظلم ایدیورلر ، اونک ایچون بونلر مظلوم در .] متأثر ، متفکر قلباً کریان ایکن واپورده عشرت ترابه زملرینک قورولمسی تأثریمی بر قات ده اآرتیردی . قیزارمش طاووقلر ، تازه پنبیرلر ، طولملر ، صالاطه لقلر بیوک بر ذوق ایله طباقلره دیزیله نیور ، اوتهدن خواننده لر مخمور بر فصل طوتدیرمشلر ، بریدن موزیکه چالیور ، قدحلر طولوب ، بوشالیور . برهای وهوی ذوق و صفا که دیه کیتسون . اک زیاده نظر دقتیزی جلب ایدن شتی یانمزده کی مجلس میخور ایدی . بری الی یاشلرنده ، فقط صقاللرینی طراش ایتش دیگریدی ده صاجلی صقاللی مکلف بر ذات ، صوکر اوچنجیسی بر یارداجقی ، دردنجیسی ده شقلردن ... بونلرک افاده لرندن باب عالی خافای کرامندن اولدقلری ا کلاشیلیوردی . یانلرنده اون اوچ اون درت یاشلرنده اعدادی البسه لی برده چوجق واردی . چوجچک برنجی حریفه بابا دیمندن اونک اوغلی اولدینی ا کلاشیلیوردی . نه دیرسکز ، خریف مزه لرینی اوغلنه حاضر لایمیدی می ؟ کل ده چیلدیرمه . کیفلر دوزلمکه باشلادی . کونش چکیلیدی . اورته لاق قراردی . قفالر دومانلاندی . نعرملر باشلادی . یانمزده او طوران بزم بابا میخور یوزینی چویره چک اولدی . یانمزده کی ارقداش بر از عصی اولدینی جهته : « رذیللر ، سرخوشلر » دیه نعره دن معلومات و یردی . حریف باشنی چویردی . بر آز کچدی ، آطه لره واصل اولدی . اون ایکی کیچوردی .

باشقه شینه حل اولنه ماز . کناره چکیلوب ده کمال تأسفله بوحاله نکران اولان ارباب عفت وحیا بویله بر تنزهه اشتراکرینه یوز بیک کره پشیمان اولدیلر .

ذاتاً بز هر یرده بویله هنرلرمزی کوستره سزسه ک راحت ایدمیز . سویلورلرکه ایتالیا سیاحینی آرمه سنده ده بر ذات اودرجه بی بولمش که کز مکه طاقی قالمایه رق دوشمش ، اوزرندن آرابه تکرلکی کچمش . بزم متزهین کرام ده واپوردن چیققدن صو کرا اوندن آشاغی قالمادیلر یا . جوغی یولنی شاشیردی ، استانبوله کیده جک اولان غلطه یولنی طوتدی ؛ غلطه یولنه کیده جک اولان استانبول جهته کتمکه باشلادی .

مقصدمز برقاج شخصک افعال وحرکاتی تنقید دکلدی . مسئله نک آداب عمومیه به قارشی اولان شناعتی اظهاردر . بو خصوصه سکوتی استقبال امت ایچون برجنایت عد ایدرز .

مکتب منفعتیه بر تنزه ترتیب ایدرک و مکتب چو جقارینی ، اوصاف معصوم بیچاره لری کز دیره جکیز ، اکندیره جکیز ، دیه تنزهه اشتراک ایتدیره رک انلری عیش و عسرت بزمنده بولندیرمق و برچوق مستهجن تعبیرات واصطلاحات ایله اطفال مسلمنک صفوت اخلاقیه سنی بوزمق بیلمیز که مقتضیات حمیت ایله نصل قابل توفیقدر .

بزا کر یکی نسلی ده دور استبداد حیات سفاهتیه تربیه ایدم جک اولورسوق بوملت ایچون صو کرا فلاح امید ی قالماز . بزم شیمیدی یکنه امیدمز بتون اوشبان معصومه در . اونلری ده بویله زهرلرسه ک اخلاق ملیه محو اولوب کیدر . بو کیدنجه آرتق شو جدلکاه حیانه بزه بر موقع بولماز . ذاتاً بو آنه قدر اوروپانک اومدهش قوت ومهاجانه شرک قارشو طوره بیلمسی بوسایه ده در . ملتلی یاشاتان اخلاق در . طوب ، توفک کندی کندیینه پاطلاماز . اونی قوللانه جق ینه انسان در . اخلاقی بوزوق ملت اسارته ، حقارته ، ذلته محکوم در . قانون عدالت نه مسلمان ایچون دکشیر ، نه سائری ایچون تحویل ایدر . یر یوزنده کی دولتلر بر بویله اوغراشیر ، بیک درلو سیاستر قوللانه رق یکدیگرینه مزار قازار . فقط امین اولکیز او حفره انقراضه دوشن ملت ینه کندی استحقاقندن ، کندی جزاسنی چکمک ایچون دوشمشدر . « ان الله لا یغیر ما بقوم حتی یغیروا ما بانفسهم » . کائنات بریره کلسه - قدرت الهیه تعلق ایتدکجه - بر ذره بی محو ایتک ممکن اولماز . بتون بوسیاستلرک فوقنده برسیاست ، برسیاست الهیه وار که مستند الیهی ، قوت وغلبه دکل ، حق وعدالت در .

بر قومک انقراض وممانته حکم الهی صادر اولمادجه اوقوم ایچون اندادن قنور اولماز . بر فرد بتون انسانلره قارشی چیقار ، میدان اوقور . بر حزب قلیل بتون جمعیتلری صارصار . کوچک بر امت بتون اقوامی تتره دیر . منبع حقندن قوت آلان قلبلر طاغله ، دکزلره یورور . یوره کنده توکل رحمان یرلشن امتلر بتون اقوامک مهاجانه قارشی طورور .

اسلامی چیقاران ، بیوتهن ، یاشاتان بوقوت در . زمان اولوردی بر اسلام اردوسی یوز مثله قارشی اعلان جهاد ایدردی . قوه معنویه

واپور دونامایه تقرب ایتدی . حذایه کلنجه بر آرز دوردی . هر کسک حمیت طماری طوتدی . « یاشاسین دونامما » دیه باغره بیلدیکی قدر . دونامادن ده بیاض البسه لی منتظم عسکرلر ، اودریارسلانلری کوکرت لرده کورونمکه باشلادیلر . ایکی طرفندن ده موزیکه لر چالنیوردی . هر کس آیاغه قالدینی ایچون دور بینه باقسه لر بیلله واپورده کی بزم صفایی کورمه یورلردی . بول بول « یاشاسون » لری صاووردقن صو کرا واپور بیزانس یولنی طوتدی .

تمامیه قراکلق چوکمشدی . واپورده کیلرک جوغی همبزم صفا اولدیغندن ، معارفه سزک قالمادی . اکلاشیلیدی که متزهینک اکثری بر قپو یولداشی . ارتق شیشه لر بوشالغه یوز طوتدی . او وقت ارباب کیف برداثره تشکیل ایتدیلر . طاقم جفته تللی به باشلادی . ایکی کلخن بکی کوبک آتدیلر . درلو درلو هنرلر کوستردیلر . بی نه یاه آلقیشلره مظهر اولدیلر . بو صروده یاغزده کی خلفادن مکاف صقاللی ذات ایکی النده ایکی شیشه آیاغه قالدی . بلنی ، قوللری قیور تمغه باشلایه رق بو آلقیشلره اونک ده حق اولدیغنی آ کلا تدی . اوتنه دن صوحی بر آرن اوودده کندی غائب ایدرجه سنه الده کی بارد اقله شیشه به اوره رق جفته تللی به مقام اویدورمغه باشلادی . بونک اوزرینه ارتق دایانه مدم ، بو صاف ، معصوم آرن اوودک قولندن یواشجه چکدم .

— ارقداش ، دیدم ، سن نره لیسک ؟

— ده بره لی ، دیدی .

— پک اعلا . سزک طرفلرده شیمیدی نه وار ؟

— نه اوله جق ، برشی یوق .

— اوراده طاغلرده بیکارجه عسکر قارداشلرک یاغورلر التنده ، چامورلر ایچنده مفسدلر طرفندن الداتیلان سزک آرن اوود کویلدیلره درد آ کلامق ایله مشغول اولیور . بونلری ایشیتدک می ؟

— اوت .

— نه او حالده نصل اولورده سن بوراده بو سر خوشلرله کندیکی غیب ایتش ، اونلرک هوالرینه مقام اویدیریورسک ؟ . . . بیچاره بیوک بر تأثرله : — عفو ایدرسکیز افندم ، دیدی ، جاهلک ...

علاوه ایتدم : — ارقداش ، بز ان شاء الله هپ کوله جکیز ، اکله جکیز . فقط اونک ده صرهمی وار . شیمیدی ذوق زمانی دکل . باشمزه باق نه بیوک غائله لر وار . کرید ایشندن سنک خبرک وارمی ؟ اونی دوشنیورمیسک ؟

— نصل دوشونم . هله یونان اورایه آیاغنی آت جق اولسون ، دنیایی آلت اوست ایدرز . بز بتون ارقداشلر بویله عهد ایتدک ... — آفرین ارقداش . ایشته شیمیدی بونلری دوشونملی .

فقط هر کسه برر برر آ کلامق اولماز . لازم کلیر که بتون افراد ملت بونی تقدیر ایدم بیلسون . یوقسه دولت ، ملت مسائل حیاتیه ایله اوغراشیر کن عیش وعشرتک بو درجه سی ، طوغروسی استهزادن

اك عظيم بر قوت در . اخلاقی بوزوق ملنده قویه معنویه قالماز. بوكون روسیه نك عظیم بر قوتی وار ، فقط كوچك ژاپونه محكوم در. بوكون فرانسه نك هیچ بر شیئی اكسیك دكل ، فقط فتور اخلاقی كندیلرینی المانیاتحکمنه سرفرو ایتکه مضطر بر اقیور . اوت هر شیئه مالک اولان بوملتلرک یالکز برا کسیکلری وار که اوده اخلاق در . ارضك حاکمی دائماً اخلاقی تریه ، ملیتی متین اولان امتلر اوله حق در . امتلرک معیار استقبالی اخلاق حاضر دسی در . اونك ایچون یاریم عصر صوکر اکی حیات دوایه بوکوندن بلای در .

شو حالده هرشیدن اول بزم ایچون چالیشله حق شی ، اخلاق و ملیت در . اکر بوکبی تأسف نمون حاللره سکوت ایدیله جک ، مسامحه اولونه جقسه مادی و معنوی پک بیوک فواید بکه دیکمزن تزلزلر ، سیاحتلر بزم ایچون شبهه نزکه بر روی اخلاقی اولور . صوکر اکی بزی پاتنه سز هیچ بریر قبول ایتمز .

ضابطه ده بوخصوصی لایق اولدینی اهمیتله تلقی ایتلیدر .

مثلا واورده بو قدر مکتب چو جنلری اولدینی بیلمسی ، اولرک محافظه اخلاقی دوشونمسی ، آداب عمومیه بی نظر اعتباره المسی لازم کلیردی .

بر جمعیت ایچنده یاشامق ایسته یین او جمعیتک دساتیر و قوانینه توفیق حرکته مجبور در . حیات اجتماعی ، حیات شخصییه مقدم در . بر امتک افرادی دیکشیر ، فقط شخصیت معنویه سی پایدار قالیر . اونك ایچون نظر قانونده منفعت عامه منفعت خاصیه ترجیح اولمشدر . بر باغچه ده مطلوب اولان محصولی یتشدیرمک ایچون بر چوق مضر اوتلر سو کیلوب آتیلیر . حالبوکه اولرکده بر حق حیاتی وار . اکر اولر ، اومضر اوتلر اراضی خالیده ، منبله لرده ظهور ایتسه ییدی ، او وقت سر آزاد قاله بیلیرلر ، کندیلرینه ایلشن کیسمه اولمازدی . فقط اولر اراضی مزروعده بولنوب محصولی محو و بر باد ایتک ایسته یورلر . اونك ایچون اولر سر آزاد بر اقیلماز ، بر اقیلماز . ائی محصول یتشدیرمک ایچون بویله یا بغمه مجبور اولان باغچوانك ، چغچنیك بوحرکتی حریتسزلك ، عداالتسزلك اولماز . ذاتاً حریت غیرك حریتنه تجاوز ایتماکله مقید در . علی رؤس الاشهاد بویله بر فضیحه بی ارتکاب ایدن حریت و حرمتی بالذات هتک ایتش دیمکدر . بناء علیه ضابطه ایچون حق مداخله باشلامشدر . بو حقلک ایجاب ایتدیردیکی وظیفه بی عدم ایضا ایسه بر ظلمدر که ضابطه مزنی بوندن متبری کورمک ایسترز .



اتحاد اسلام نه وقت اوله حق ؟

بوکون سطح ارضك اك معتنا ، اك لطیف موقعلرنده یشایان اوچیز بو قدر میلیون دین قرداشلریمزك موجودیتله هیچ بر فرد اسلام یوق که افتخار ایتسون . بو قدر جسیم بر کتله معظمه بشریه نك ضیادار استقبالیله سوینمسون .

اوت ، بومعظم ملت برکون کلیر ده تکرار ایدر ، واونستنده

ترقی و تعالی ده ایلر . استقبالی ده پارلاق اولور . فقط نه وقت ؟ ایشته شو سؤالک جوابی آغیر و مشکل اولدینی قدر مؤلم در . بونجه تفاخرلر ، تباهیلر و تکیثرلر اوزرینه بر لکه ، بر الم ، بر فریاد در . چونکه استقبال عالم اسلامی تشکیل ایده جک اولان بو کونکی مسلمانلر هنوز بولندقلری موقعلرینی آکلامه دیلر . احفادلرینه بر خط حرکت تعقیبنه مدار اوله حق شاهراهلر کوسترمیدیلر .

ه ب کندیلرینی قرون وسطی و عصرلرجه مقدمکی مظفریتلری ، عظمتلری ، شوکتلری هنکامنده ظن ایتدیلر ؛ بتون حرکات شخصییه و احتراصات نفسانیدلرینی اوشوکتلی زمانلرده یابدقلری مقیاسده اجرا ایتک ایسته دیلر ؛ کیفی و شخصی نائل عز و جاه اولق ایچون احکام و منافع اسلامییه بی ایاقلر آلتنه الهرق اصرار حیسات ایتدکلری موقع و مملکتلرینی آثار عمران و مدنیت یرنده آل تانلره ، همده آل اسلام قانلرینه بویادیلر .

حضرت پیغمبر : (مؤمن ، مؤمنه قارشو بر بنای متین اولوب بری برینی تشید و تحکیم ایدر . . مؤمن مؤمنک آینه سیدر . . مؤمن مؤمنک قرداشیدر . . الخ) کبی بر چوق یرلرده اسلاملری و عالم اسلامی غیر قابل تجزی بر کتله معظمه یه ، بر وجود انسانییه تشبیه بیوریورلر .

حضرت فخر عالم بویله تشبیهات ایله بزه مراکشمه بولنان بر اسلام ، فیلیپین جزیره سنده بولنان بر اسلامک آینه سی ، قرداشی ، بر کتله نك جزء فردی ، بر اعضا نك حیراتی اولدینی بیلدیر یورلر . دیمک اقضای شرقرده اولان مسلمانلرک باشه ، بر مصیبت کلدیکی وقت اقضای غربده اولان مسلمانلر متأثر و متأذی اولمیدرلر . نصلکه اعضای بدنك بر جزء اصغرنده بر الم وقوعه کلدیکی وقت تکمیل وجود راحتسز اولور و بر کتله منتظمه دن بر ذره نك انفکاک کی تکمیل کتله نك حلاوت و انتظامی قاجر در .

ایشته کتله معظمه اسلامییت بویله در و بویله اولدینی دائماً بیش ملاحظه و تفکرده بولندرماییز .

قرآن عظیم الشانده : (وان هذه امتکم امة واحدة وانا ربکم فاتقون) نظم جلیلی ایله حالت نزعنده بیله « امتی امتی » دیه استقبال امتی دوشونن حضرت فخر کائناته ، استقبال امت ایچون جانلرینی فدا ایدن اصحاب کرامنه بوخصوصی تبشیر ایدیور .

فقط و اسفا که بز اسلاملر شمدییه قدر بر چوق اوامرو نصوص جلیله رعایت ایتیب اولنری متروک بر حالده بر اقدیغمز کبی وحده اسلامییه عائد اولان خصوصاتییه بتون بتونه اونوتدق . باری کچیرمش اولدیفغمز عظمت و فتوحات دورلرنده موفقیتلرک غروریه اونوتمش بولندیفغمز حبل متین اتحادی خاطر لیوب بوکونکی موقع پریشانمزدن عبرت آلملی ایدک . بوکون عین مملکتنده بولنان ایکی مسلمانک احوال روحیه و معنویه سی طبان طبانه یکدیگرینه ضد بولندینی کبی ، مختلف مملکتلرده بولنان مسلمانلر ده دلسوز بر طرزده یکدیگرندن جدا دوشهرک بر برندن کلیاً بی خبردرلر .